

## من أغاني

### معتصمي الضرائب العقارية

أشهد أشهد يا تاريخ العقارية عالرصيف  
موظفين موظفين شربوا المر وشربوا الطين

إسماعيل يا عبد الرسول<sup>1</sup> هي ديا مش أصول  
تاكل اللحمه وناكل الفول  
اسماعيل عبد الرسول يالا يالا يالا غور  
اسماعيل عبد الرسول واكل حقي علي طول

يا عقارية أدي ولادك جم يهتفوا باسم ولادك  
جم يهتفوا باسم نظيف يا منيمنا عالرصيف  
جم يهتفوا باسم نظيف يا منيمنا عالرصيف  
بطرس بيه يا بطرس بيه أنت بتقبض كام جنيه  
بطرس بيه يا بطرس بيه إحنا بتقبض كام جنيه  
بطرس بيه يا بطرس بيه العقارية عملت أيه

موظفين موظفين شربوا المر وشربوا الطين  
موظفين العقارية ما فيناش أحزاب سياسية كلنا من العقارية  
موظفين العقارية ما فيناش أحزاب سياسية كلنا من العقارية

الأعداد بتزيد بتزيد وإحنا عزيمة حديد في حديد  
وقاعدين ليوم العيد

ماما سوزان يا ماما سوزان  
حسني مبارك يا أبو علاء  
ماما سوزان يا ماما سوزان  
العقارية حالها إزاي

<sup>1</sup> - إسماعيل عبد الرسول، رئيس مصلحة الضرائب العقارية، وهو من يهاجم موظفي الضرائب العقارية، وينتهم بأنهم مثيري شغب، وآخر هذه الاتهامات هي أنهم يتقاضون ألف جنيه وألف ونصف شهريا، فكان رد المعتصمين يجيبوا اللي بيقول عليه وإحنا نمشي

حسني مبارك يا أبو علاء قوم ارحمنا من الغلاء  
قوم ياللا أصدر قرار وإحنا هنا في انتظارك  
قوم ياللا أصدر قرارك  
حسني مبارك يا رئيسنا يا ناصفنا ورافع راسنا  
يا تجينا يا إما نروح لك  
هنروح هنروح يا إما تصدر قرار  
لازم لازم القرار  
مش ماشيين إلا بقرار مش ماشيين إلا بقرار  
مهما يطول الانتظار مش هنفك الاعتصام  
لو صدر القرار هنفك الاعتصام  
وكمان مش هننام هنحصل ليل ونهار بعد صدور القرار  
ياما سهرنا الليالي في عمل الختامي

مش ماشيين مش ماشيين إلا بقرار  
ردوا علي يا شباب القرار ورا الباب  
ردوا علي يا شباب  
يا وزير يا وزير يا وزيرنا رد علينا  
نسرق ولا نمد أدينا

هنوردها خالية هنوردها خالية  
قفلناها قفلناها بالضبة والمفتاح  
خلي المسئول يرتاح  
قفلناها قفلناها بالضبة والمفتاح  
بالإصرار والعزيمة هنسلم القسيمة هنسلم القسيمة  
لازم لازم عن قرار

يا رئيسنا تعالي وشوف العقارية عالمكشوف  
المأمور ويا الصراف العقارية عالمكشوف

نايمين عالرصيف  
الأعداد بتزيد بتزيد وإحنا عزيمة حديد في حديد  
وقاعدين ليوم العيد  
مش ماشيين إلا بقرار مهما طال الانتظار  
هنفضل أنادي وهفضل أقول استقبل يا عبد الرسول  
الاعداد بتزيد بتزيد وإحنا عزيمة حديد في حديد  
وقاعدين ليوم العيد مش ماشيين إلا بقرار  
مش ماشيين والحق معانا ضد وزير بيتحدانا  
يا وزير مش لوي دراع يا وزير الحق ضاع  
يا شارع حسين حجازي لك حبي واعتزازي  
يا وزير المالية الضرايب هي هي  
ياللا تعالي بص وشوف  
العقارية عالمكشوف

سا رئيس الوزراء  
أحمد بيه يا نظيف  
فرشنا ونمنا عالرصيف  
أحمد بيه يا نظيف ثامن يوم عالرصيف  
لازم لازم عن قرار  
أشهد أشهد يا تاريخ العقارية عالرصيف  
يا رئيس الوزراء عاوزين عودة للوراء  
مش ماشيين إلا بقرار  
مهما طال الإنتظار

يا تسونا بالمصلحة يا تودونا عالمشرحة  
يا تسونا بالمصلحة يا تودونا عالمشرحة  
بالعزيمة والإصرار لازم لازم عن قرار  
بالإصرار والعزيمة ياللا نسلم القسيمة

وردناها خالية وهنوردها خالية

للقيادة العالية

هيه هيه هيه